

薊州志卷之二

知薊州事歸安沈 銳重纂

方輿志

雷封百里其大較也薊為古名郡所治豈僅百里哉況歷代為用武之地屢罹兵燹文獻散遺其間分封之沿革疆域之變遷上而觀災祥以何星野下而識表誌以何山川里社星羅市集碁布蹟遺自古俗沿至今皆為政者所當詳稽也志方輿

疆域

薊州志

卷之三

疆域

一

州境東西廣一百里 南北袤一百二十里

東至淋河五十里 至遵化州一百二十里

西至段家嶺五十里 至三河縣七十里

南至白龍港六十五里 至寶坻縣八十里

北至黃崖營五十五里 至將軍石關七十里

東北至王家坎五十三里

皇陵七十里

西北至大嶺五十里 至平谷縣七十里

東南至梯子山三十五里 至玉田縣八十里

西南至馬道庄六十里 至香河縣一百一十里

自州治至

京一百八十里 至保定府五百一十里

沽河東岸自三百戶庄接玉田縣交界起至曹家口頭庄玉

田縣交界止計水路二百六里

堤埝自汪家新庄起至婁家庄止共二萬四千一百三十

六丈

沽河西岸自馬家崖接遵化州交界起至嘴頭庄沽河二水

合流寶坻縣交界止計水路一百六十三里

# 蘄州志

## 卷之二

疆域

二

堤埝自五里庄起至大全庄止共一萬二千七十丈

洶河東岸自金水屯接三河縣交界起至嘴頭庄沽河二水

合流寶坻縣交界止計水路七十四里

堤埝自金水屯起至三河口止共一萬八百二十八丈

遼運河西岸堤埝自東迷王會起至口頭庄止共二千三百

四十丈

按先王凡建邦國必以土圭制其地而正其域然後辨

其山林邱陵墳衍原隰之名物因以均齊其政而疆界

既分民有定籍職方所載由來重矣蘄州舊壤創自唐

虞星分有定沿革非一今依現在疆域詳列篇首以見  
輿圖之盛

薊州志

卷之三

疆域

三

星野

薊州古燕地漢劉向以爲分野屬尾箕自尾四度至尾六度謂之析木之次

晉天文志云自尾十度至斗十度百三十五分爲析木之次在辰爲寅在律爲應鐘斗建在亥爲燕屬幽州費直謂起尾九度蔡邕謂起尾四度陳卓謂漁陽尾三蘇竟謂尾卽漁陽

唐天文志云尾箕析木津也初尾七度餘六千七百五十秒中箕五度終南斗六度

薊州志

卷之二

星野

四

爾雅曰析木爲津蓋謂天漢之津梁屬燕之分野而幽之士星也

史記天官書及州郡纏次俱云尾箕屬幽州太史公謂尾爲九子星箕爲後宮又云二十八舍主十二州冀州屬樞星春秋元命苞云尾宿九星爲天子後宮第一星后也次三星夫人嬪妾也箕宿四星亦爲後宮之象又曰天津又曰天雞主八風

漢甘公石室星經云尾九星爲後宮幽定薊遼等地應之宋史云中臺下臺主薊玉豐平

按周禮保章氏以星土辨九州之地所封之域皆有分野以觀妖祥蓋將爲百姓彌災患也第諸家所載不無異同總之尾星纏東箕星纏北薊郡正當燕之東北隅去

京一百八十里在天不及一度依唐天文志以尾七箕五爲薊之分野良云有據

沿革

陶唐氏屬幽州堯命和叔宅朔方薊在其境內

有虞氏分天下爲十二州以九州內惟冀最廣復分冀之東北爲幽州薊屬焉

夏后氏復九州薊仍屬幽

商屬幽，入冀薊仍屬冀

周武王克殷反商未及下車而封黃帝之後於薊後爲燕所併燕惠王置漁陽郡趙取其地燕復之

秦始皇元年分天下爲三十六郡仍置漁陽郡二世元年

薊州志

卷之二

沿革

六

陳勝率閭左戍漁陽

漢高祖元年封臧荼於薊爲燕王五年滅荼以其地封盧綰

十二年綰亡復爲漁陽郡領縣十二漁陽弧李雍李泉州

平谷安樂庠奚續平安陽白檀滑鹽潞獻帝初平四年公

孫瓚據薊建安五年袁紹滅瓚有其地九年曹操滅紹

三國魏薊隸幽州仍名漁陽

晉改名燕國愍帝建興元年石勒陷燕國師去燕國降於段

匹磾元帝太興二年復爲石勒所併成帝延康六年石虎

徙薊民於充豫燕襲之穆帝永和六年燕王儁擊趙拔薊

城徙都之帝奕太和五年燕亡屬苻秦孝武帝太元五年秦以苻重守薊十年燕遣將軍平規取之薊復歸燕燕亡屬元魏

南北朝屬元魏仍置漁陽郡魏亡屬齊

隋文帝開皇六年徙置元州於漁陽立總管府煬帝大業元年廢府仍置漁陽郡領縣一無終

唐高祖武德初廢郡省入幽州元宗開元十八年置薊州領縣三漁陽三河玉田二十二年分天下爲十五道薊州屬河北道天寶元年後改爲漁陽郡置靜塞軍十四年安祿

# 薊州志

## 卷之二

沿革

七

山以郡叛肅宗乾元元年復爲薊州代宗廣德元年以李懷仙爲盧龍節度使守薊州

梁時爲劉仁恭所據稱燕王

唐滅燕爲薊州

晉以十六州賂契丹薊與焉

遼改爲尙武軍金滅遼薊屬於金

宋徽宗宣和四年金以薊州歸宋改名廣川郡設團練使領縣三漁陽三河玉田七年金仍取之復名爲薊州屬中都路

元太祖十年薊州改隸大都路屬縣五漁陽平谷玉田遵化  
豐潤

明洪武初漁陽縣省入薊州領縣四玉田遵化豐潤平谷隸  
北平布政司永樂二年改北平爲順天府薊州屬焉領縣  
四我

大清定鼎

京師薊州隸順天府仍領縣四康熙十六年遵化陞爲州割  
豐潤隸之乾隆八年又陞遵化爲直隸州再割玉田隸之  
並將平谷改屬順天府薊遂爲散州

薊州志

卷之二

沿革

八

按

薊之名商以前不見於經傳大約統屬冀至周武王  
封黃帝之後於薊名始著其名爲薊者以山多薊草也  
由周以迄故明或爲帝胄之封或爲元功之賜遂成名  
區漢唐明尤爲重鎮



山川

漁山在州西北三里高百餘丈周五里許形如圓邱景色翠秀郡在此山之南故曰漁陽薊之山不一必以漁山爲主者蓋以衆山皆大惟小者爲尊且衆山皆在此山之後故也

盤山一名田盤山一名盤龍山一名徐無山一名四正山郡西二十五里其詳載盤勝

崆峒山一名翁同山以上有崔府君廟又名府君山在州北五里形勢峭峻登峯一望則邊城野景盡在目中乃附郭

薊州志

卷之二

山川

九

之奇觀雪後遙瞻宛若圖畫舊有日照寺後改爲地藏殿昔傳黃帝問道於廣成子之處按岷州原州肅州汝州贛州皆有空同山未知孰是但黃帝都於涿鹿去薊甚邇則是此亦未可定嘉慶十五年州牧趙錫藩以薊之龍脈聚於崆峒山之景運關郡之盛衰倡議重修因藥王廟舊基爲廣成子殿補前人所未及且以存古蹟今廟宇亦坍塌神山在州東南八里又名神仙嶺山色鬱藍蒼翠連亘如屏又名翠屏山上有東嶽廟後有塔名文爭峰山下有石翁仲似數百年物未知所自始金章宗會獵於此

峒子峪在翠屏山顏修來先生刻遊山記于石甚贊之

別山在州東南三十里圓秀鮮妍逶迤數十里山下則山海通衢也自山海至此俱有山迤西無山故曰別山

梯子山在別山東五里乃薊州玉田縣接壤處

螺山在別山東十里玉田縣境內周圍有枯樹等十九庄係薊州所轄金世宗曾獵於此山

燕山在州東南五十里薊玉遵接壤處山脈自太行山而來迤邐而東直抵海岸燕國由此而名

鳳凰山一名七里峯在州東七里其形似鳳四面皆平壤中

## 薊州志

### 卷之二

山川

十

有孤原凸起上建關帝廟相傳爲趙普讀書處

鍾靈山原名賈家山在州東北六里乾隆初年

恒親太王建園寢於此改名鍾靈山

桃花山在州東十八里山有桃花放時較他處獨先以此得名山坐有滌襟泉紆曲流澗碧澄可愛有剝名桃花寺東接

皇陵五十里爲

鑿輿必經之路乾隆十八年建

行宮於山半

黃花山在州東北四十五里山勢雄曲松林葱翠上有玉皇殿一座鐵瓦無梁後易琉璃瓦有樑柱山下卽

榮親王園寢

鞍子嶺在黃花山南六里形如馬鞍故名上有廟一座

川方峪在州東北三十里峪中有泉又名椽房峪

朱華山在州東三十里內有

端慧皇太子園寢

五名山一名興隆頂在州西十里有道觀又名娘娘頂每年四月十八日賽會男婦極多

薊州志

卷之二

山川

十一

甘泉山在州西五十里有泉極甘因以得名絕頂有大石狀形如犬故又名石獒山山上有甘泉寺唐時廢伽藍祠獨存

蔣福山在州西北五十里山前有龍潭禱雨輒應

段家嶺在州西五十里與三河縣接壤處

苛嵐山在州西六十里山勢險峻周圍壁立間有小徑可通相傳昔有人隱其上又名窠羅山近稱栲栳山

牛頭山在州西二十五里有古刹名藥王廟

少嶺在州西三十里嶺半有泉從石龍口中滴於石盆內汲

之不絕上有水月菴菴內有半月泉水不溢不涸

大嶺在州西北五十里與平谷縣接壤處

盧家峪在州西北四十里東有秀峯菴北有龍泉菴基址南有玉石塘

鐵嶺在州北十里連山無盡懸澗極深石色黑如鐵

串鈴溝在州東北四十里

三十二嶺在州西北五十里

峯山在州東三十五里

龍山在州東五十里上有龍山廟每年三月十八日賽會

# 薊州志

## 卷之二

山川

七

鎖子嶺在崆峒山下形似鎖故名乃薊郡之龍脈嘉慶十五年州牧趙錫蒲以脈不宜斷因於脈上建風神廟以鎮之並禁止行人於脈上行走

沽河在州南五里漢地理志云沽河之源出於塞北東南流七百餘里至泉州乃入海泉州故城在今武清縣東南四十里卽漢時屬漁陽郡轄之泉州縣也其河東接遵化玉田交界處入境迤西而行至州南紀家窩轉而南行至下倉庄轉而西南行至嘴頭庄與洵水合流轉而東南行由白龍港南流至北塘入於海其在薊之境內紆迴二百餘

里凡遵化蘆兒嶺迤西洶河迤東諸水皆入於沽河故明時原從此河運糧後廢河漸淤塞

國朝重濬運漕以供

濬其濬河始末載在

懷精條內

黃崖川一名廣漢川在州北三十五里俗稱爲頭道河源出塞外從黃崖關之東流入西南行至盤山之陰又名爲獨樂水紆迴曲折而至平谷縣東合五百溝諸水南流入三河縣境內爲洶河

# 薊州志

## 卷之二

山川

三

洶河州之西境也其源由黃崖川而來至三河縣合黃頌水卽七渡河又合鮑邱河故稱三河自金水屯與三河縣接壤東南流至嘴頭庄合沽河入白龍港計水路七十四里白龍港在州南六十五里乃沽洶二河會流之處相傳昔年有龍騰於此故名又因潮信至此而止名曰潮河

淋河在州東五十里源出遵化州北山谷中又云源出灤州界流入遵化西北有湯泉出鮎魚口又有清水河出道溝谷俱合流而入至淋河庄入境東南流至閻家官轉而西南流至夏官屯與沽河合流計水路四十八里此河原名

梨河因淋梨二字音相近今遂誤爲淋河

遼運河州南十里之紫金泚卽此河之故道由韓家壩入溝  
庄小漫河馬家港蒙家圈太和庄迷王會至曹家口頭庄  
合沽河河形故道現今淤塞爲多尙有未盡淤完之處雖  
值大旱其水不涸

龍池河一名漁水在州南一里源出鷲毛臺逶迤三里東南  
流入沽河卽陽泉之下游也

按易說卦云天地奠位山澤通氣禹貢曰奠高山大川  
蓋一州之內必有一州之山川所以發舒地氣長養萬

薊州志

卷之二

山川

十四

物也至山澤之氣體爲一郡來脈所關者尤宜加意保  
護如薊之崆峒山沽河是也舊志謂流峙縱橫總屬黃  
輿煙雲出沒宛若圖畫僅言其形景耳

泉源

陽泉在州西五里俗名西海子源出於鷺毛臺臺又名紙坊  
曲折東南流至東七園庄西入沽河水性暖冬寒不冰故  
曰陽泉相去一里有涼泉水出地中方廣丈餘盛暑甚涼  
兩泉水由五里橋合流經上閘下閘等處灌地數百頃盡  
成沃壤村民賴之

白馬泉在州西北三里漁山之東南有石井約深四五尺每  
逢夏淋水從井中湧出西南流至西五里橋合陽泉水後  
從城西北隅直出西南隅至楊家園後合陽泉水今又改

薊州志

卷之二

泉源

五

從城西南角轉東至南門外石橋東去合陽泉水入沽河  
黑馬泉在州東北四里崆峒山下南流至西七園庄合陽泉  
水入沽河

花園泉在陽泉西南東流至西五里橋合陽泉水入沽河  
綠泉在州西二里上遂家庄西南流至西五里橋合陽泉水  
入沽河

盤山泉在盤山下南流至限渠庄與限渠泉合同入沽河此  
泉下游遷徙無常靳家庄一帶恒被冲刷居民苦之

限渠泉在城西南十六里限渠庄之東北平地有泉湧出南

流由興武鎮都養營陳家橋等庄至柳子口洪內南出嘴頭庄西入沽河

龍口泉在州西北三十里沙嶺上東南流至肘各庄合盤山泉同歸限渠泉南流入沽河

瀑水泉在州西三十里源出瀑水庄西北南流合白澗泉

白澗泉在州西四十里源出於盤山之西峪經羅家峪由啞叭坑南流至捧庄屯合限渠泉流至嘴頭庄入沽河

神仙泉在州東南十五里龍虎庄東東北流至十百戶庄入

沽河

薊州志

卷之二

泉源

夫

隅頭泉在州東三十八里陳家河庄之北平地出泉南流至

馬伸橋西南流由巨各庄荒各庄至下碾頭庄入沽河

黑泉在州東三十五里蘇家庄之北平地出泉東南流至馬

伸橋合隅頭泉入沽河

黃泉在黑泉之西東南流至馬伸橋合隅頭泉入沽河

大馱泉在州東三十六里高家橋庄之北東南流至馬伸橋

合隅頭泉入沽河

桃源泉在州東三十五里馬伸店北西南流合隅頭泉入沽

河



天心泉在州東三十三里侯家庄東東南流合隅頭泉入沽河

景家泉在州東三十三里平地出泉東流合隅頭泉入沽河  
龍泉在州東北三十里川方峪北東南流由台頭寺密舖至  
巨各庄合隅頭泉入沽河

定福泉在州東三十五里定福庄東西流至荒各庄合隅頭  
泉入沽河

龍王泉在州東二十三里小豪門山下西南流至荒各庄合  
隅頭泉入沽河

薊州志

卷之二

山川

七

下庄泉在州東十三里大屯庄之東南流至下楊各庄入沽  
河

高家窪泉在州東六里毛家庄南南流至于家橋入沽河

老廟泉源出玉田縣之李家庄西北流至六百戶庄入沽河

梯子山下泉在玉田縣界合玉田之石河諸泉南流由州境

胡家樓又南入玉田境至黃土坎流入州境由迷王會合

遼運河下稍之水至曹家口頭庄入沽河

洗心泉在城外東北角城根下嘉慶十五年郡牧趙錫蒲以

泉脈遏塞於郡民不利捐資尋挖始得通暢建泉河龍王

廟廟之後建洗心亭亭北造蓮花池今廟已圯廢泉源尙通

段家嶺沙河溝水泉出自白澗迤西諸山東南流入柳子口燕家上井在州城內東北其味甘而且厚名爲上醴泉

倉前井在倉前下坡

祠堂井在上關帝廟西廢錢局內

城隍廟井在廟西

西門外城河中井泉源方丈許味甘如飴

石碑井在南門外今無存

# 薊州志

## 卷之二

山川

六

東岸井在東門外城河東岸其味甘而稍薄名爲下醴泉

靜安寺井在州西北五里漁山西深四丈餘上下周圍俱係

整石鑿通山泉而成

香林寺下井在州西北三里不用磚甃從不倒坍

新開井在城內西南角樓之下康熙四十一年修城時開其

味甘美

以上俱甜水井

堂下井在州治大堂西南

學西井在儒學西南

堂子井在城內西南隅

秀女井在城內西南隅

舊木市井在東街迤南

舊牛馬市井在木市迤南

按

易蒙象曰山下出泉井之九三曰可用汲王明並受其福爾雅釋水謂泉一見一否爲灑又云濫泉正出沃泉縣出汎泉穴出蓋濕氣所結生於陽而成爲陰者泉源也泉之體不一皆可藉之爲灌溉資之爲飲食故古人五祀有井如陽泉一水灌地數百畝盡成沃壤闔郡

薊州志

卷之二

山川

九

賴之關於民生者豈淺鮮哉

盤勝

蓮花山在雙峯寺西南怪石攢簇如千葉蓮花

掛月峯在舍利塔前上銳下削乃盤山最高處

自來峯與掛月峯相連一名北臺舊有黃龍祖師殿

按

拙菴盤山志載峯頂舊有無梁殿遠建中供黃龍祖

師銅像高三尺餘遼碑云歲饑偷兒入山竊祖師像至

澗中重不能舉欲碎之祖師大喝響震崖谷偷兒驚散

翌日仍昇上山一無所毀後殿廢

紫蓋峯在中盤寺五峯之中為特尊一名中臺盤山諸刹龍

薊州志

卷之二

盤勝

三

脈多發於此

雙峯在舞劍臺北三里兩峯並峙如丫角一名玉峯峯背有

塘產玉石

九華峯一名東臺一名削玉峯在定慧寺此峯林壑佳麗岡

巒挺秀

聖祖仁皇帝御製遊中盤寺詩內有云中盤遙望蓮花峯之句又

名蓮花峯

嶺巖峯在上方寺之西壁立千尺青削到地鬼斧神工鳩聚

於此為盤之最奇絕處

翠屏峯在天成寺後古木千章悉從石罅中生出層層鱗砌  
春夏之交綠翠參天霜黃碧葉紛披徧地三巖山云乃山  
之曲室殆非人間

錐峯在紫蓋峯北過峽處峯小而銳如錐

獬豸峯在黑龍潭東南三里

碎玉峯在鷹兒嶺

毘盧峯亦以形似得名在古中盤上

大嶺在雙峯寺西五里其山南折忽斷如巷

砂嶺在大嶺南去十里有小阜曰砂嶺

# 薊州志

## 卷之二

盤勝

三

長嶺在史家庄南

鷹兒嶺在黑龍潭南二里形如鷲立

歡喜嶺在萬松寺東

浮青嶺在天成寺西

金雞嶺在舍利塔後

黑塔峪在少林寺東北一里唐志閒禪師潛修處

青楊峪在法藏寺南一里

鋪舖峪在山之西南俗呼破舖峪

田家峪在山之西

白峪在萬松寺西南八里

盧家峪在山西北隅東有秀峯菴北有龍泉菴基南有玉石塘

松樹峪在自來峯東七里

瓊紫峪在九華峯前俗呼怪子峪

懸空石在西架靜室後大數尋陡百丈似無依倚仰視如墜搖動石在干像寺後屹然獨立如不可犯一人撼之輒動  
晾甲石在山南面澗中相傳唐太宗東征晾甲於此處石之東北有飲馬潭三字今在

## 蘄州志

### 卷之二

盤勝

三

靜寄山莊園內

將軍石在舍利塔下二里

帳房石在少林寺前四角有孔相傳唐太宗駐蹕處

蘿屏石在少林寺西北高數百尋

高宗純皇帝御書蘿屏二字鐫其上

菱角石在少林寺前大數丈形如菱角

蟒石在少林寺前長二丈餘橫松下上有孔東石壁刻盤山

古蹟四篆字白峪亦有蟒石長三丈餘

燕子石在報國寺東形如燕窠一名燕子石溝

仙臺石在上方寺東南路旁上鐫仙臺二字

龍亭石在天香寺後四角有孔唐太宗遺跡

降香石與龍亭石相連

金馬石一名龍馬石在先師臺後俗呼爲金馬石溝

仙人石在先師臺東半里上有人影經久不滅望之如生

橐佗石在衛公菴山門西南

法船石在茶子菴門前上刻法船石三字

談禪石在正法禪院南古松下大博和尚嘗談禪於此上刻

談禪石三字

薊州志

卷之二

船勝

三

蒲團石在觀音菴門前廣八尺面坦無稜礪古松蔭之如覆

笠

石舫在上甘澗東北峯頂狀如海舫當烟雨晦暝時望之欲

動

擁背石與舫石相連

古雲根在紫蓋峯北澗中高數丈石紋皴斑如豹

清涼石在青溝前半里兩山夾峙一石周十三丈如几案下

有文殊洞

雲箋石在青溝西南二里縱橫數十丈苔蘚斑駁具太古雲

嵐氣象其側有松秀而古垂蔭半畝後被人竊去

洗心石在天池上周五丈其面如砥其後峯疊疊如列屏

燕剪石在東竺菴外高數丈如雙燕翅

白猿洞在懸空石迤上勢最險壁鑿二坎容足踣必布索牽

挽乃可達上刻天門開三字徑五尺旁署北海劉應節五

字

桃園洞在將軍石畔深丈餘其門以瓦覆之

華巖洞在少林寺西北上一里旁有靜室

朝陽洞去瑞雲菴半里

# 蘄州志

## 卷之三

盤勝

十四

觀音洞在古中盤東

文殊洞在青溝前半里縱一丈廣三丈六尺東西兩山相夾

如厦上刻文殊智地四字字徑二尺虞世瓊書

石龕在西甘澗後形如圓室至元中王志謹修煉處

契貞洞在千像寺後懸山大師遇隱者卽此處

石雨洞在天門開頂上

守貞洞在秀峯菴殿後鑿成深丈餘

老虎洞在青溝西五十步康熙己未夏爲迅雷所壞

鏡兒淀在山西周數里登自來峯望之澄瑩如鏡



盤泉在涼甲石東有石壁上刻盤泉二字合萬竅之水勢益雄壯千百折迴而下故名

香泉在香水寺後旱不涸澇不溢有謙之義焉後拙菴大師改爲謙謙泉

自來泉在古中盤別是一天門內

甘泉在普濟寺西南隅後發爲井

醴泉卽靜安寺井

涓涓泉在天成寺後出翠屏峯石罅中

鷺泉在靜安寺西嶺上有煉魔臺基

## 蘄州志

### 卷之二

盤勝

三

仙泉在東甘澗東南石上有坎如盃深一尺八寸四時不涸

漱玉泉在青溝內後發爲井

秩秩泉在漱玉泉南半里清涼石迤上

白巖在九華峯有上中下三巖卽九華峯萬松荔鬱席地幕

天

喘氣巖在舍利塔下有石刻字

龍首巖在青溝主山上似龍首昂然呀然如有所語

斧鑿巖在龍鳳菴西南路北大小高低形如斧鑿

碎玉巖在獬豸峯北二里懸石巖巖欲墮不墮其上卽碎玉

峯

飛翠巖在上甘澗後

先師臺卽南臺突兀軒豁其上砥平臺外如削登之可見山陽數百里形勝相傳爲黃龍禪師趺坐處

舞劔臺卽西臺相傳爲唐李靖舞劔處由萬松寺取徑歷泉竇林坳乃躋其巔天風浩浩四望無極昔人遊記言之詳矣

東征石井在先師臺下相傳唐太宗東征幸此鑿成其井通體石塊世以爲異上刊瀑泉二字

蕪州志

卷之二

盤勝

美

聖水井在青峯菴東廂石几下

龍泉井在龍泉寺門前

投閱橋俗名大石橋在晾甲石北上半里怪石參錯若拒泉流怒激作鐘鞳聲松聲和之聲益厲

青龍橋橫跨不受履兩山夾之若柵戶仰視峭壁去天尺五鑿石而成上有正法禪院

生天橋傳稱雙峯寺南無攷

仙人橋在衛公菴東南五十步有巨石數丈橫澗上水自下出

偏橋在下天成寺南

甘澗有三青溝前爲上甘澗其下隔一小山東爲東甘澗西爲西甘澗

龍潭澗東爲獬豸峯西爲鷹兒嶺兩山相夾峭壁峻嶒下卽

黑龍潭

響澗自淨業菴一帶水與磯石相礪鳴聲徹晝夜瀉至瞭甲

石下出山

飛帛澗在天成寺西北隅六七月間澗水自空中注下如飛

帛

蘄州志

卷之二

盤勝

三

龍潭有三曰小潭曰舊潭曰黑龍潭舊潭當澗中滑不受履

往來隔絕崇禎中淨業菴主僧欲命工鑿鑿構橋以便遊

履甫興工龍卽涌水數丈霹靂而去遂移下潭其下潭亦

有三連珠而成四壁陡絕其水極深昔遇旱民嘗禱雨於

此禱則輒應

洗鉢池在千像寺內昔人見千僧洗鉢於此近之而沒今甃

爲井井內有洗鉢池數字刻焉

蓮花池入山道旁

天池在洗心石下石池也在西甘澗迤北直上里許縱橫三

丈餘塊石而成不假雕鑿其深不盈尺其水不涸南面有小口方七寸凡夏秋之交其水溢則自口而出活活有聲土人呼爲石盆其上有磐石周五丈許平如几筵曰洗心石

黑龍池在報國寺前

紅龍池在少林寺東石壁鑿紅龍騰躍水面旁鐫紅龍池三隸字字徑二尺後有帶川隸三字字徑七寸適古可愛前有大定七年四字

定光佛舍利塔未詳其始在掛月峯上相傳除夜有佛燈之

# 薊州志

## 卷之二

盤勝

天

異

古佛舍利塔未詳其始在天成寺內其碑遼天慶中重修內

藏神龍親奉舍利三萬餘顆明僧如芳刺血書經七年爲

修塔計甫興工感白光燭天如玉橋竟日不散其塔十三

級如芳僅發二級目覩舍利二千餘顆

多寶佛塔在少林寺內高二百尺至元中爲道士所壞順治

末僧官仁鳳重修於寺東之龍首

六王巖在茶子菴主山上最險峭一壁凌虛千峯居下

懸石亭在懸空石上戚繼光建基存

津津亭在大嶺明僧常增施茶處有石刻易飲處三字秀水  
項德楨書

天語軒在正法禪院內

巢雲軒在青溝禪院昔有巢雲軒在少林寺內至正間雲威  
建久廢

按

拙菴禪師盤山志載山有三盤瞭甲石爲下盤古  
中盤爲中盤自來峯爲上盤上盤之松中盤之石下  
盤之水千奇百怪駭目驚心又盤山北面無路路在  
南面總之有三東則亂石邨入山瞭甲石至甘露菴

薊州志

卷之二

盤勝

五

後岐而爲二西北上爲青溝東則由多寶佛塔過坂  
鋪上舍利塔中則由蓮花池入山望天成寺逾歡喜  
嶺至衛公菴東折則青溝上舍利塔西則白大嶺入  
山經雙峯寺厯茶子菴過將軍石上舍利塔凡路皆  
止於舍利者蓋舍利居山之絕頂也故登山者必造  
頂又盤山之東北支山曰小盤山舊傳云七十二座  
有名菴又云古今不替半千僧

風俗

冠成童則加帽古三加禮久廢

婚男家求婚父母既有成言則擇吉具紅柬央媒客衣冠上門四拜獻柬禮簡而實重歲時問遺釵鏡簪珥隨家貧富亦有論聘金多少爲許可者

喪讀書家遇喪事頗依文公家禮依貧富爲豐儉不葷食不用僧道喪服甚重弔客甚哀較爲近古

祭春秋設無祠則設位於正寢以祭墓祭以清明七月望十月朔忌辰各從家貧富爲陳設

薊州志

卷之二

風俗

三

正月元旦設香燭牲菓拜天地祖宗以及闔郡神祠爆竹逐疫衣冠羅列卑祝尊幼拜長親友交相拜賀旬日乃止

元宵設宴張燈花炮爲樂婦女出遊名爲走百病

二十五日早起以灰作圈中藏五穀名曰打囤祈豐收之意

二月初二日爲龍抬頭日家家食餅曰龍鱗

初三日文昌誕辰演戲慶賀

三月用牲醴祈年於社廟

二十八日賽東嶽廟

清明陳蔬饌掛紙錢掃墳添土簪柳於頭婦女以鞦韆爲戲

四月初八日登崆峒山賽崔府君神

十八日登五名山賽聖母會

二十八日賽藥王廟

五月端午節掛蒲懸艾角黍相貽兒女輩以色絲繫頸名百歲索卽長命縷也

十三日賽關帝廟

六月伏時以麥麩造酒麩

二十三日賽火神廟

七月七夕結綵乞巧

# 薊州志

## 卷之二

風俗

三

十五日設麻穀於堂薦時食祭祖先亦有至墳前者其禮較清明稍殺

八月中秋親友以瓜餅互相饋送各家祭月光舉觴慶月

十八日爲城隍誕辰演戲慶賀

九月重陽製花糕飲菊酒攜觴登高又秋成報社如祈年禮十月朔日剪紙爲衣焚於墳前謂之送寒衣傭工者例以此

### 日還家

十一月冬至祭天地祖宗

十二月初八日作臘八粥雜以米豆復加棗栗

二十三日設香燭祭竈

除日帖春聯換門符禮拜於堂謂辭歲

按易象曰先王以省方觀民設教是閭閻之習爲民上

者所必察也舊志云薊州俗悍而漓性沉而摯士嫻文  
雅之風人擅多能之技輕生好鬪慷慨悲歌古號多傑  
信有然矣

薊州志

卷之二

風俗

三



物產

五穀

穀 各色俱有

黍 各色俱有

稷 三種

水稻

紅旱稻

白旱稻

糯

大麥

小麥

蕎麥

薏苡

蜀秫 各色俱有

豆 各色俱有

秔 紅白二種

稗子

芝蔴

胡麻

蘇子

蔬菜

蕪州志

卷之三

物產

三

東瓜

南瓜

苦瓜

倭瓜

絲瓜

王瓜

甜瓜

芥

葱

蒜 紫白二種

方蒲菜 產漁山之  
陽味甘美 瓠

葫蘆

水蘿蔔

韭

蒼蓬

胡蘿蔔

芹

芫荽

紅蘿蔔

茄

莧菜

蒿苳

蔓菁

羊眼豆 紫白二種

雲豆角

菠菜

青豆芽

箭桿菜

坐窩菜

木蘭芽

綠豆芽

黃豆芽

豆苗菜

杏葉菜

黃花菜

筆管菜

茵 即磨菇有各色

虎瓜

苦益菜

諸葛菜

龍鬚菜 知母苗

秦椒

蕨

屈蕨菜

蓬蒿

山藥

蕷薯

花卉

金雀

卷丹

杜鵑

# 蕪州志

## 卷之二

物產

畫

小繡毬

金盞

玫瑰

丁香

紫白二種

敷地錦

甘菊

狗尾花

爾雅謂紅龍古

扒山虎

菊

荷

葵 各色

石竹

芍藥

紅白二種

野茉莉

紫白黃三種

鷄冠

紅白紫各種

萱

八仙

山丹

榴

一名若榴一名丹若一名金罌

牡丹

玉簪

紫白二種

碧桃

探春

紅白二種

百日紅

海棠

毛葉鐵梗二種

穿枝蓮

江西臘

各色

蘭枝

罌粟

地棠

鳳仙 各色

芙蓉

蜀葵

剪秋羅

夜落金錢

十姊妹

薔薇

十樣錦

夜合 即馬櫻花

飯花

晚香玉

萬年春

瓜果

西瓜

甜瓜

榛

栗

桃 有數種

杏 一名甜梅  
紅白二種

李 各種惟麝  
香紅最佳

棗 黑紅二種

柿

# 薊州志

## 卷之二

物產

三

梨

各種北山蜜梨  
錦梨二種最佳

無花果

有映日果文光果天仙果  
優曇鉢阿駟古度子數名

葡萄

一名草龍珠  
有紫白二種

林檎

即來禽

沙果

即沙棠果

虎刺檳

柰類也

蘋果

白果

郁李

唐棣也

交官果

形如無花果味  
如栗五月成熟

野葡萄

即菓也

地栗

菱

菱實也

芡實

荸薺

酸棗

樹木

柏

城隍廟殿前一天成寺塔下一少林寺殿前一龍  
泉寺殿前一香水寺殿後三此數樹俱有千年

松

盤山松皆平頂枝  
幹側出如虬龍

樽羅

即椶也一名櫟  
一名榲一名杼

榆

槐

椿 香菜二種

楸

柳

楊

椴

桑

暖

木蘭芽

花紅黃色  
葉可染皂

椒

爾雅謂之檇  
家野二種

荆

山荆子

杜梨

山葡萄

雜草

蘆

葦

菁

艾

莎

茅

莠

穗如狗尾

鐵掃帚

爾雅謂之  
王慧

蓼

薊州志

卷之三

物產

美

藥品

黃精

百合

蒼朮

木靈芝

知母

烏藥

天南星

天花粉

芍藥

車前子

地骨皮

柴胡

酸棗仁

貓兒眼

梗桔

柏子仁

郁李仁

黃芩

葶藶子

天仙子

枸杞子

五味子

兔絲子

地黃

黑牽牛

白牽牛

細辛

益母草

威靈仙

金銀藤

紫蘇

大薊

小薊

蒔蘿

門冬

升麻

杏仁

烏頭

元參

芎藭

菖蒲

葛根

苦參

藜蘆

荆芥

黃柏

葶藶

商陸

狗脊

防風

紫草

薊州志

卷之二

物產

三

虎骨

鹿茸

熊膽

麝香

稀莖

老鴉嘴

茴香

茴應作藜

禽獸

鵬

雉

水鴨

鷓鴣

鷓鴣

鴛鴦

狼虎

松雞

鶉

喜鵲

烏鴉

鷺鷥

啄木

鴉鵂

雁

鴿

魚鷹

鳩

禿鷲

淘河

天鷲

地鷲

烏鷲

鐵雀

家雀

火燕

紫燕

沙燕

沙雞

桃雀

畫眉

黃鵬

虎伯勞

虎

豹

熊

豺

獾

貉

狼

狐

鹿

蕪州志

卷之三

物產

兔

兔

獐

獺

臊狗

野貓

即兔

刺蝟

獾鼠

松鼠

松狗

蟲介

蛇

蜂

四種

蝶

蠅

螢

蛾

蟋蟀

蟻

二種

蝎

蟋蟀

蜻蜓

螳螂

布雲虎

蚯蚓

蛙

蝦蟇

蝟虎

蝟鷹

蝙蝠

蠅 三種

蟬 即蜩四種

蚊

蛤

蚱蜢

鯉魚

鯽魚

鰕魚

白魚

鮎魚

魴魚

汪刺

黃果

石鱧

鱖

鰻

鼈

蝦 青黃白三種

蛤

蝸

螺螄

鱗

蟬

蘭州志

卷之二

物產

弄

參養

馬

騾

驢

牛

羊

猪

犬

猫

鷲

鴨

鷄

鵞

用物

棉花

紅花

靛

蜂蜜

蠟 黃白二種

麻

榮麻

油 各樣

木炭

石灰

瓦

磚

金砂

玉石

白土

紅土

豆渣石

硝

黃酒

燒酒

按厥貢厥田詳于禹貢植物動物載於周官物產之辨

由來尚矣薊州負山帶河鹿豕魚鱉生類甚繁今就舊

志所載畧增數種當尚不止此然非有所見不敢附會

也至舊志樹木有暖樹一類考之爾雅本草諸書俱無

所載及詢之士人則以為地有暖木冬日撫之則暖今

薊州志

卷之三

物產

罕

仍其名以待考核若禽類中伯勞土人常畜者呼為虎

伯勞故添列之攷之爾雅鴟伯勞也滇人呼之為鐵鸚

鵒能啄鷹鵠乃隼屬也今土人畜以捕鷹且與鴟之大

小相似殆其是歟



古蹟

北平城在州東七十里依燕山爲板築卽漢之右北平李唐爲郡守出獵遇草中石以爲伏虎引弓射之沒羽卽此處博陸城在州西南漢封大司馬霍光爲博陸侯取其嘉名而無食邑卽此也

獷平城在州西烏丸攻獷平曹操往救烏丸遁去

雄武城在州東北唐元宗天寶六載安祿山築以峙兵積穀洪水城在州東北唐時所置守捉城也

安遠城在州西北唐末置安遠軍於此城內

薊州志

卷之二

古蹟

望

藥兒嶺在雄武城西李克用破韓元紹處

雞蘇砦在州西五代時劉守光獲其兄劉守文處

平鹵渠唐滄洲刺史姜師度於薊之北漲水爲溝以備禦又約舊渠傍海穿漕以避海難

棗林淀遼聖宗會同九年闕諸道兵於棗林淀又元明宗天曆元年燕鐵木耳與太平等戰於檀子山之棗林淀殺太平

寶家庄城東鳳凰山有舊址乃周諫議大夫寶禹鈞故居又相傳爲趙普讀書處又云趙普故居卽今州西之孔雀砦

避暑亭州西北五里金章宗於此避暑

兩家店元明宗天曆元年遣撒敦拒遼東兵戰於薊州兩家店今失其所在

醫無閭山碑在平津門外明洪武三年遣典寶李瑀賚御製文祭北鎮醫無閭山之神因勒石後被水冲無存

五里鎮州西五里橋庄明宣宗東巡駐蹕於此宣知州諭之曰此漢漁陽郡也昔張堪爲政民有樂不可支之歌流傳至今古今人才不相遠爾曹勉之

薊門關州東南六十里又名薊邱舊有樓館今無存有二土

## 薊州志

### 卷之二

古蹟

里

阜如門阜傍多林木蒨蔚蒼翠爲京師八景之一曰薊門烟樹又有石鼓相傳唐太宗征高麗擊之以聚兵

曲水灤在州南遼聖宗獵於南甸至此釣魚

激流黃蠟錫寺等處堤埝埝明宣德九年六月築

紫金泚在州南八里長一里餘寬十餘丈水甚深冬夏不竭乃遼運河之故道也康熙三十七八年間

皇太子祭

陵回臨泚打魚馳進

丙庭

按夏鼎商彝留千秋之法物秦松漢柏遺百世之芳踪  
垣墉半鞠荆榛猶堪憑弔臺榭平堆瓦礫曷勝愴懷而  
且宋寢唐陵所在都有斷碑頽礎何處無之荒涼在目  
過而興思珥筆者詎可忽乎哉

蘄州志

卷之二

古蹟

三

勝境

青池春漲

城東十五里有池一區水青如蘭春月漲滿漣漪可愛  
白澗秋澄

城西四十里有澗一道發源於盤山水色照鑑毛髮四  
時澄然如秋

采村烟霽

城東南二十五里有庄名曰采村樹木森鬱村落如畫  
每遇晨霽瑞烟籠罩

薊州志

卷之二

勝境

四

鐵嶺雲橫

城北十里有嶺高數十仞土石色黑似鐵故名鐵嶺雲  
氣蒸鬱或絳或青晨暮如是

盤山暮雨

城西北二十五里盤山一帶山勢曲折縈迴奇特陡峻每  
薄暮時雲烟霧靄浮罩滿山似晴非晴不雨似雨

獨樂晨燈

城西門內寺名獨樂殿高五丈餘每元旦之晨盤山舍  
利塔有燈冉冉而下先至獨樂後及諸古刹故爲獨樂

晨燈近有人見者不必拘於元旦時或有之

### 崆峒積雪

城北五里有山曰崆峒每遇積雪初晴嵐光環繞則山容如畫霽景宜人廨後啟牕遠攬洵稱附郭之奇觀焉

### 瀑水流冰

城西三十里地名瀑水有水從盤山之陰而來初夏時山洞中有冰從水流出

按舊志八景有湯泉浴日之名考其泉在遵化境內蓋曩昔遵化爲薊郡所屬故并列之今遵化已改爲州則

## 薊州志

### 卷之二

勝境

巽

區以別矣自宜刪所無而增所有崆峒山近在州廨後數里時逢雪霽登眺頗宜爰補崆峒積雪一景亦古人循名核實之意云

災祥

商紂王二十七祀癸酉天有二日

周昭王元年己丑月有光五色貫紫微

漢景帝後三年庚子十月日月赤色凡五日

十二月日紫色月貫天庭中

成帝建始元年己丑八月兩月相承晨現東方

綏和二年甲寅九月地震

桓帝永興元年癸巳大饑

永壽元年乙未大饑人相食

薊州志

卷之二

災祥

吳

晉惠帝元康八年戊午九月大水

永康元年庚申三月太白晝見

元帝大興四年辛巳三月日中有黑子

成帝咸康三年丁酉五月大蝗

孝武帝寧康元年癸酉冬彗星出於箕尾長十餘丈

恭帝元熙二年庚申四月長星竟天

隋文帝開皇二十年庚申十一月地震

唐高祖武德九年丙戌六月太白經天

太宗貞觀二年戊子蝗

三年己丑大水

遼聖宗開泰九年庚申四月兩月並出見於西南

天祚帝乾統九年辛巳正月朔流星自西南入尾其光燭

天是夕有赤氣起東北巨西南中函白

氣將散又有黑氣在旁

元仁宗延祐元年甲寅八月地震

惠宗元統二年甲戌七月太白屢經天

至元三年丁丑五月彗見東北色白六十四日乃滅

七月太白經天

蘄州志

卷之二

災祥

壘

四年戊寅太白經天七月至十二月乃止

五年己卯太白經天七月至九月乃止

至正十四年甲午冬大饑人相食

十五年乙未冬雨血

十六年丙申五月有雨日相盪

十七年丁酉七月晝霧昏暝不辨人物自旦至

午如是者十五日

二十五年乙巳二月日旁有一月一星

明憲宗成化六年庚寅大水

七年辛卯盤山有龍與蜘蛛鬪蜘蛛斃皮如車

輪

武宗正德元年丙寅正月太白經天

八年癸酉正月大雨雹厚甚

世宗嘉靖二年癸未二月二十三日狂風吹沙行人埋於

沙中

八月二十八日子時地震有聲自卯至

午又震未時雨雹如栗大

三年甲申三月初三日夜黑氣亘天凡五道

蕪州志

卷之二

災祥

巽

二十九年庚戌春雨螻蛄屋瓦門窻飛打有聲

神宗萬曆三十三年乙未太白經天

四十六年戊午東方有白氣一道長竟天是年

大水兩山爲岸民房倒塌人巢於樹兵

備道邵公可立合船戶救一人賞銀五

錢又令載餅於船以救巢於樹之人房

倒一間賞銀二錢活人甚多

熹宗天啟六年丙寅五月初六日地震六月初六日丑時

地大震秋大水



懷宗崇禎十二年己卯秋大饑骨肉相食

十三年庚辰大旱饑死者無數

十四年辛巳旱蝗

十五年壬午十一月十五日拆城

國朝

世祖章皇帝順治八年原隰皆登大有年

九年壬辰大水

聖祖仁皇帝康熙七年戊申大水地震

十四年乙卯三月二十六日異風自巳至戌黃

薊州志

卷之二

災祥

異

霾蔽天瓦飛如燕茅屋盡揭

十八年己未七月二十八日巳時地大震有聲

遍於空中地內聲響如奔車如急雷天

昏地暗房屋倒塌無數壓死人畜甚多

地裂深溝縫涌黑水甚臭日夜之間頻

震人不敢家居

二十年彗星見白氣經天數月方消

二十五年丙寅大水

二十九年庚午大水

三十二年癸酉水淹禾稼少收

三十四年乙亥水至南門城下

三十八年己卯七月飛蝗遍野奉

諭旨捕捉閭郡官民無分晝夜撲滅罄盡禾稼不傷

七月十九日玉田縣石河山中蛟騰平

地陡漲水文餘太和庄一帶被淹

三十九年庚辰六月下旬大水五里橋大渡船

直至南城門口幸隨洞云禾稼不大傷

四十二年癸未六月大水水至南城門下三次

有州志

卷之二

災祥

平

四十二年水

五十二年水恭逢

聖祖仁皇帝萬壽肆赦賑饑蠲賦民忘其災

五十八年六月二十九日夜疾雷飛電大風拔

木

世宗憲皇帝雍正二年大水奉

旨遣官查賑

三年二月庚午日月合璧五星連珠朝鮮國遣

陪臣入賀是年復大水奉

旨發粟賑濟

八年八月地震是年大稔

十一年水奉

旨發粟賑濟

高宗純皇帝乾隆二年大水

詔有司賑濟

五年水賑如前

八年閏四月大雷電盤山雲罩寺塔被震倒塌

五月大熱人多暈死

蘄州志

卷之二

災祥

五

上命地方官設冰廠施藥以濟

九年夏久不雨

上虔禱甘霖大沛是秋有年

十五年大水五六月淫雨傷禾顆粒不見民食

草子

十六年春米貴如珠奉

旨發米賤糶民賴以安

十九年水

二十二年冬十月二十四日大雨雷電

二十四年春三月初七日天雨土旱有騰傷禾  
秋九月二十六日夜大雪冬嚴寒

二十七年夏四月雨至閏五月始霽田盡潦大  
饑與十五年同

二十八年春饑斗米東錢二千四百文夏蝻生  
七月晦始盡秋有年

二十九年秋有年

三十年大水五月三十日夜至六月初一日且  
雷電風雨交加郡北山中蛟水陡發沖

蕪州志

卷之二

災祥

五

去山內二十里鋪房屋淹斃人畜甚多  
運糧船隻漂沒七號人米船板一槩無  
踪知州事修公禮申文詳報以山水陡  
至人力難施不能護救自是年奉文將  
運糧船隻裁汰蕪州米價由是騰貴日  
甚一日

三十四年彗星見

三十五年秋七月二十七日夜西北方天光五  
色如霞照地天下皆見

三十七年夏二麥大熟

三十八年秋七月十九日大風雨拔木熟禾盡

偃

四十六年夏霖雨傷稼

四十七年春饑

五十五年大水沖出城南沽河舊石橋九空知

州事劉公念拔詳明 總督部堂梁公

肯堂欲捐廉修補識者多云兩岸沙土

遷徙無常恐空費財力終歸無益因此

# 蘄州志

## 卷之二

災祥

壘

停止

五十九年大水霖雨四十餘日

六十年六月二十一日亥刻地震

仁宗睿皇帝嘉慶元年正月初七八九日嚴寒花木多枯

二年春三月二十一日大風霖夏四月十四日

大風晝晦閏六月十三日地震有聲是

秋有年

三年二月二十九日大風晝晦冬十月二十九

日亥刻流星如織經時乃已是秋豐稔

有年

五年春旱無麥

六年六月大水

七年大蝗

八年春蝻夏蝗復生蝻至秋未絕

十二年饑春三月十二日大風霾有火隨風著

物有然有不然者夏五月米貴如珠斗

米東錢四文八月二十三日申刻大

雨雹有如鷺卵者屋瓦皆碎木葉盡脫

蕪州志

卷之二

災祥

音

十四年夏四月十五日雨雹傷麥

十六年春旱秋七月水饑是月彗星見厯百餘

日而滅

十七年夏四月大雷電震盤山之塔秋大水

二十二年夏復震盤山之塔秋大旱奉

盲煮賑

二十三年四月風沙蔽天室有然燈者

皇帝道光元年夏大疫民多死者奉

旨命地方官施藥濟民秋日月合璧五星連珠

二年夏大水奉

旨賑賦

三年大水太和等庄被淹奉

旨賑濟蠲賦

五年有蝗

十年秋大水奉

旨緩征被歉村庄

按此條因隔舊志百有餘年實難考證謹博綜羣書遍詢故老約畧登載不無遺漏訛傳詳考補正深望後

薊州志

卷之二

災祥

五

同人